

向湖邨舍詩初集

向湖邨舍詩初集序

自古昔聖智英奇豪逸之士往往感奮不得已而有詩
德性學識高庫廣狹居然可見而文人詞客時亦擘其
詞究其法櫪其格取高當世集部興文于是衰矣末學
鬼才徒見成章之易蹈襲擗摻竊埒作者愚言智奸言
忠懦言壯穢言潔紛紛藉藉于詩尤甚然真知言者又
未嘗不察其跡得其用心少陵窮餓流離而許身稷契
陶公卑仕枯槁而慨念黃虞千載論定無議其夸且妄
者何哉真偽無久冒淄繩之合丹汞之糅而良庖鍊師

辨初固易耳吾友趙煖仙同年耿介淵粹篤學堅苦
少更喪亂洞達治術挾持宏大不能與俗俯仰又連困
都堂試所學莫施疾今思往寄之詩歌不無峭厲抑塞
猖狂恣肆之言要歸諸惻怛世遂羣然謂煖仙工詩余
亦何嘗不謂然也自維訂交于今八年每與深談精證
覘其蘊蓄不類詞人之客氣假象夸且妄者煖仙與人
傾吐肝鬲事至不留有時酣嬉淋漓不忤流俗而意所
未可或累旬日不酬置一詞面目森然可畏故世毀譽
煖仙者迄莫能定品藻余則以爲是卽其詩適壯之音

幽秀之采所由發也顧余陋劣謂稍辨真濫今春同寓都門以詩稿見委校刻輒意爲去取存六百餘首題曰初集頗有名章佳句傳誦人口而在所芟者蟬仙獨深契之且曰非曲從文字通乎性道豈筆舌所能諭哉嗟乎蟬仙乃以詩鳴耶而先以詩畀我校之刻之序之耶或告余曰蟬仙少時毀家募死士轉戰六七年不求薦達近大僚辟參幕府又不應殆不屑他途進者又曰其于詩鑽掣深至昔同戎事見以兩馬載書雖甚擾攘不釋卷余因微窺之稠人廣座君或離去默誦夜分客散

輒篝燈倚坐帳中疲劇不止或言誠不妄第嘗索觀所
挾書豈詞章揣摩之具云爾哉譽者言無當乃如此竊
反覆其詩雖危苦伊鬱語無不嶒嶸婉愜媛仙當不終
坐詩窮而有以實吾言卽不然覽者幸毋以詩概吾媛
仙而以詩測吾媛仙庶幾其知言哉光緒十有二年冬
至日保山吳式釗序

向湖邨舍詩初集取目

卷一 甲子至甲戌 存詩二十二首

卷二 乙亥丙子 存詩十九首

卷三 丁丑上 存詩四十五首

卷四 丁丑下 存詩四十八首

卷五 戊寅 存詩三十一首

卷六 己卯 存詩百首

卷七 庚辰 存詩七十首

卷八 辛巳 存詩六十九首

卷九

壬午癸未

存詩八十首

卷十

甲申

存詩七十四首

卷十一

乙酉

存詩五十六首

卷十二

丙戌

存詩七十一首

凡古今體詩六百八十五首

刊其手辭

向湖邨舍詩初集卷一

劍川 趙 藩 樾邨

甲子至丁卯

早梅

蜂蝶未知處一枝臨水閒
小橋橫斷岸殘雪冷空山
萬卉猶僵夢荒園半掩關
林逋扶病起相對破愁顏

秋日過城南龍門邑弔庚申戰歿者

一戰安危係孤軍覆此邨
妖氛羣盜劇熱血幾人存
衰草平隄短愁雲故壘昏
鬼雄來仿佛揮涕與招魂

晚望

獨立向蒼茫危樓跨女牆平沙蘆渚白斜日稻陂黃山
瘦秋心老天高雁影涼村春何處發百感集中腸

鼠

穿榻翻盆至更闌人靜天五窮空有技三吐不能仙窺
穴瞋鐙影跳梁驚客眠故書吾長物珍重聘銜蟬

初夏睡起偶作

一亭高踞山之陰長松飛瀑鳴瑤琴草履何人徑入座
參天有竹森成林人閒避暑之高爽此境胸中日來往

午窗夢破不知處
恂恍迷離記歸路
香溫茶熟日初長
一日何當幾回去

秋夜宿滿賢林

古寺鐘魚歇虛庭竹柏橫
月華窺榻靜泉響入秋清
猿鶴三生夢煙霞信宿情
山僧煨芋火趺坐話殘更

戊辰至庚午

萍

浮萍看滿眼綠漲一汀明
舊夢楊花幻新愁春水生
菰蒲相借色鳬鴨浪闊情
漫擬菱枝弱風波慣汝輕

曉起

柝聲催曉急清夢醒高齋出戶日初上卷簾風一來花
敲疏映竹石古暈生落病起詩懷減應煩茗椀開

登西郭門

秋懷鬱何適遠眺郭西門古木天風急高城晚角喧死
綏人可惜苦戰壘空存拙計猶戎馬三年莫其論

骨肉四首

骨肉幾人在流離經歲過報劉悲日短遭亂喪家多劫
火燒天暗繁霜損鬢皤慰情些子事移樽已松坡

苦雨淒風集烏噉斷晚煙重闌悲棄養雙淚泣窮邊始
悔虧兒職何從得母憐更堪思弟妹一樣螻蛄年
伯母親猶母茫茫繫夢思平生真愛我遺憾痛無兒凋
落關家運悲歡促盛時沈疴終不起愁絕憶賢慈
向湖詩禮裔落落賸清門倡義終何事傾家莫更論讀
書猶世澤返國總天恩俯仰慚師友霑巾有淚痕

賊退後過沙溪

蕩析邨邨破流氛昨過江平蕪荒晚稻淺瀨咽橫缸月
帶橫孤雁鐙明吠遠戍醫瘡猶有待金鼓幸停撾

旅枕寒無寐淒涼父老言徵輸窮比屋烽火熾連番百
戰勞兵力中興戴國恩春陵應有作司牧係元元

夜寒枕上有作

寒威殘臘重入夜更崢嶸睡味和氊熟詩功豈鍛成吟
同新病瘦夢證幻情生厭聽鄰雞語膠膠到五更

辛未至甲戌

冬夜

沈沈曝背送斜陽晝短何妨喜夜長遮眼文書鐙有味
攬腸竹石酒生芒霜嚴爐炭銷寒燄風定瓶梅發古香

消受高齋清靜福從他蝸角萬人忙

曉度上關

龍首嚴關曉日開囊琴匹馬入關纔點蒼山翠當空落
戰血斑紅滿地哀幻化蟲沙悲浩劫力籌生聚要人才
十樓四閣皆塵土何處憑高縱目來

紀事二十八韻

西戎有雜種狡黠號回鶻唐室事驅除借力復京闕隱
忍畱花門杜陵悲憤切散處數百代生聚盛萌孽才力
實剽悍厥性更詭譎中原昨多故滇回事草竊互關啓

兵端背逆意原決妖氛暗六詔封豕事衝突會城危纍
卵諸郡盡破裂十載陷羶臭忠義深痛絕王師一號召
撻伐奮英傑連城無堅壁大帥親秉鉞長驅龍虎關淨
掃狐兔穴西洱何汪洋點蒼何巖嶮屍迴洱水潮血污
山頭雪峩峩築京觀天討斯爲烈若論盡厥罪疇能惜
勦滅好生自天意漏網寬遺子西陲樂底定豈慮死灰
熱由來豫防患此得彼易失屯營飭武備鄭重固所必
根本別有在閭閻詎可忽劫奪眾心習徵輸財力竭至
要擇守令元氣培蕭瑟民厚俗乃醕時和氣斯謐治亂

基人心莫恃銷兵鐵刻意籌治安大府萃賢哲安得陳
此詩備采輶軒列

旅夜

孤館夜冥冥銅瓶聽沸笙家書秋水渺客夢亂雲行蟬
噪心同潔螢飛影亦明他鄉感時物坐惜歲華更

閒處

閒處光陰我自知坐看冬日也遲遲香從靜裏回真味
詩要窮來發壯思何地安排高士傳平生憂樂秀才時
菊花已盡梅花好風雪空山任所之

述懷

陽回漸喜日添絲
偃仰空齋惜此時
黃土搏人真偶爾
青山笑我欲何之
嘗餘世味無過酒
刪盡塵緣尙有詩
夢裏清遊忘不得
瓊樓煙月影參差

向湖邨舍詩初集卷一

向湖邨舍詩初集卷二

劍川趙藩樾邨

乙亥

春日雜詩

迷濛深樹鶉鳩嘯
芒屨來衝滑滑泥
一抹微煙兩株柳
叱牛聲在水田西

過老鷹巖

鴉雀噤無聲
天陰氣蕭索
何年海東青
飛來睨寥廓
森然立當面
愁胡勢欲搏
想當黃虞代
仁風扇六幕
毛羽

各呈瑞騶虞並驚驚爾鷹何爲者戕生恣所樂毆之荒
服外立地化巖崿罡風刷羽翼煙霄縱頭角石路細盤
雲沿緣若縑縛過者氣先懾蹶蹶下芒屨常恐飽颺去
挾我共飛攫出險幸無恙回頭步猶卻此時憶邊徼行
圍雪花落何當巨靈手臂爾出廣漠爪牙快一試狡兔
避霜鏑鎮壓蜚狐塞長城當衛霍無爲據要路行旅坐
驚愕

鑿城塘

清晨飯罷龍里驛淩風直下雲頂關峻嶒漸少石當路

蒼翠乍見松排山幕空竟日暝煙薄投林一瞥飛鳥還
黃昏茅店背鎧臥溪流落枕聲潺潺

黃平道中

頓覺山容媚蒼松點翠微晴雷翻峽吼怪石挾雲飛

過玉

峽飛虹飛
雲巖諸勝

路滑泥雙屐邨孤樹四圍寒鴉先倦客接翅

暮巢歸

玉屏縣

殘夢清溪破揚帆第二程淡煙開遠樹斜日帶孤城山
水分黔楚鳥驚管送迎何人鄉思發一曲玉簫聲

丙子

江行懷家石渠叔

江心孤棹去從容
兩岸人家苦竹叢
春水綠生殘雪後
晚山青落酒杯中
每逢眼界三分勝
最憶心期一笑同
安得詩成還畫就
寄君嵌入小屏風

謁趙忠愍公祠墓敬作

聖代褒忠典先朝授命臣
龍髯攀烈帝牙節重鄉人一
死猶明土千秋得謝鄰
英風時往復墓木颯霜晨

祠鄰
愍忠

寺爲宋謝疊山先生
殉節處墓卽在祠後

初下荒祠拜閒尋舊碣摩高岡摧石虎

公家昆明之石虎岡故國

恨銅駝漫翦黃巾羽

公先由舉人宦黔之龍泉令以難計擒白蓮教功卓異行取御史難

橫白帽戈

甲申之變公巡南城戰死白帽胡同

表章餘老宿正氣入悲歌

祠有傳巖溪張月槎諸先生石刻詩文

題畫爲陳詠農庶常

思霖作

斷續聞樵唱幽尋谷口來瀑飛千尺練樹暈一身苔落

葉暗迷路危巖高作臺商量招隱地草閣抱山開

煙樹鬱蒼蒼樓臺半壁張蕭齋對圖畫歸路夢沅湘吹

簃三層迴探書二西藏元龍湖海客意氣要軒昂

迂嬾倪元瓚風流張志和江湖秋水闊蓑笠古人多得
酒忽成醉逃名還浩歌驅波吾有約夙願悔蹉跎
閒殺茅亭子高寒倚碧岑遠山遺世想枯樹歲寒心此
意忘言得何人入畫吟惟應滄海上返棹是知音

月夜旅懷

素月侵階上蟲吟一片秋瓶花香自媚窗竹影俱幽京
國獨杯酒家山誰倚樓平生惜明鏡多照客邊愁

哭木應侯孝廉四首

君名晉奎同郡庚午孝廉乙亥冬同計偕北上至澧州蒞

以覆試先行君後至寓景忠祠報罷後遂病以
七月初四卒同人經紀其喪葬長椿寺側義園

憔悴京華竟不歸
亂鴉嘯急掩空扉
貧令多病天何甚
老殉微名計亦非
萬里中元新鬼哭
一抔淺土故人稀
年來剩有窮途淚
那不因君灑落暉

毛生捧檄爲娛親
三上偏遭刖足頻

尊甫義民先生耆年碩學屢困春官

切望繼志而三戰皆北猶節縮過夏以圖再舉竟齎志以沒悲夫

東海難填心缺陷西

河翻湧淚酸辛
歐心文字都憎命
藉手參苓巧毒人

君疾

以誤服峻劑增劇

容易春來墳草宿
高堂猶夢榜花新

楚水孤帆夜泊遲
聽殘苦語未眠時
椿庭落日餘孤影
棣館悲風起折枝
廿載神傷荀倩婦
一聲嘯斷袁師兒

頭顱老大心情減指我鐙前兩鬢絲

舟次聆君自述苦況如此

玉龍孤聳秀千尋孕得高寒雪一襟

君家郡之白沙里在雪山麓熱

不因人原傲骨死猶累友豈初心剛腸嫉惡空城府脫口談諧妙古今何日首邱銘有道九原倘許附知音

夢中得落日劃天紅一半風翻海底珊瑚見二句

醒後戲足成篇

落日劃天紅一半風翻海底珊瑚見魚龍百怪盡得意
吹飛黑水相搏戰蜃樓五色插霄漢勢將上壓蓬萊殿
蓬萊仙人顧而笑闕空飛掣芙蓉劍獬龍授首長鯨泣

血花湧熱迴波面海天浩淼但一碧樓臺颺卷疾於電
青鋒卻入百寶匣鳳管鸞笙夜開宴下視滄溟水一杯
萬古無風波濫濫

暮雪偶成

當軒一枯樹僵立伴清冷簾卷月昏黃照見棲鴉影

向湖邨舍詩初集卷二

向湖邨舍詩初集卷三

劍川 趙 藩 樾邨

丁丑上

無題

已憐春事二分遲爭不纏綿惜此時開盡碧桃傷遠別
化爲紅豆苦相思雕闌晝靜鸚鵡無語繡被宵寒蝶有知
檀炷裊煙簾窳地海棠屏外雨絲絲

二月十九日得小軀波館書

相對常憐影亦親三年分手各霑巾隴頭風信梅花遠

陌上煙痕柳色新未必寄書能寄淚可堪傷別更傷春
文園病渴蛾眉損一賦凌雲苦賺人

畫蘭

春風如有待空谷亦無心不用瀟湘岸離騷副賞音

贈黃荔莊駕部

慶臨

疏狂負奇氣披豁見天真失意從人笑忘年獨我親詩
名一家法君從父矩卿先生有知疏味齋集行世書格六朝人欲學邯鄲
步何時許結鄰

荔莊招同和榮軒提督

耀曾

遊陶然亭

一車流水似舟行萬葦蕭蕭綠意橫野趣遠從亭上得
秋心先在樹頭生怕談經世憐身嬾喜共看山放眼明
棖觸年時文酒會故人葭露也關情

寶店早發

曉霞蒸靺鞨野水渡琉璃渺渺天低處荒荒日上時霜
輕橋印淺煙瘦店炊遲待飯閒叉手書牆且賦詩

南粵王故里

半壁雄圖百粵開漢廷猶奉詔書來晚因陸賈全臣節
生笑韓彭愧霸才恆嶽北迴盤故里海天南望聳高臺

先人邱墓誰重葺松柏蕭條亦可哀

趙順平侯祠

關張當代並英雄簇擁真龍入蜀中
破敵齊推名將膽引君尤見大臣風
三分割據歸時命百戰勛名善始終
仰止常山家廟在停車人拜夕陽紅

饑黎載道感憤成詩

蘆溝渡過又滹沱滿目哀鴻奈爾何
大野沙黃生意盡空林月黑戒心多
難圖慘澹流民稿自倚悲涼烈士歌
臺省諸公共憂國願修人事感天和

柏鄉縣

木葉落如雨況兼斜照黃田荒饑雁驚草短瘦牛羊古
驛過槐水嚴城指柏鄉興懷中興業惆悵爲蕭王

負轅駒駛而善蹏騾夫箠之過甚憫而爲轅駒歎
龍駒自負致千里強以負轅心弗喜掉頭蹏齧避羈勒
圉人暴怒鞭之百沙河縣南沙滿野降心帖耳依轅下
車沈沙陷行倭遲步步聲欬汗流赭馳驅薄暮投荒店
皮骨空存筋力倦年年燕趙方苦饑芻豆何由供飽饜
矯首長鳴向人立駒不能言我心識英雄失路烈士傷

豈獨爾駒堪太息駒兮駒兮且勿悲短歌慰藉難爲辭
王良伯樂世常有轅駒待爾來何時

湯陰謁岳忠武廟

長城南渡壞遺廟故園新宰相自謀國孤臣甯惜身風
波三字獄忠孝一家人松柏西湖匹蔥龍傲雪春

信史吾曾讀高文公尙留英姿瞻颯爽餘事擅風流
宸翰褒忠重權奸鑄錯愁當門雄創立小校亦千秋

邯鄲雜詠

趙括談兵計亦疏平原待士禮終虛奇才只愛虞卿好

消得窮愁自著書

肉食紛紛豈足謀
強秦一笑戴吾頭
果然不辱才人嫁
厮養真非第二流

一望棉田似雪開
攜筐時見布裙回
叢臺已圯風流歇
無復妖姬挾瑟來

辛苦金丹鍊九還
頭銜依舊散仙班
昨宵夢到棲真地
只在清泉白石閒

河北所在轉徙聞
山西尤甚疊前韻

平沙黯黯作秋陰
轉徙時逢淚滿襟
三晉翳桑多餓殍

中原采菑有哀吟蠲租屢下
朝廷詔發粟應關守令
心忍死溝渠不爲盜
國恩須念人人深

渡河至滎澤

監子英雄盡磨滅高筇大笠重登臨
河流衣帶限南北
山色太行無古今故壘晴沙乾戰血
中原落日冷秋陰
布帆安穩邨醪熟一快歸人萬里心

鄭州道中雜詠

士女風情芍藥詩草根溥露又秋時
野田十里驅車去
滿地月明聞竹枝

誰家籬落掩秋風一地斜陽曬棗紅
棖觸鄉園收早稻黃雲堆滿屋西東

好留遺愛繫人思執政風流重濟時
不見只今溱洧上菑黎泣拜國僑祠

感懷次壁閒敵山吟客韻

愁豈酒杯消得盡詩如天籟假之鳴
胡笳激越清商曲燕筑蒼涼變徵聲
霄漢摩雲盤健鶻滄溟跋浪湧神鯨
高歌青眼逢吾子嘯傲何妨了一生

林鴉空自飛三市仗馬原甘斥一鳴
時勢卽今猶隱患

文章若箇許和聲青天任我閒招鶴碧海輸君勇策鯨
收斂鋒鋌寶雄劍讀書經世是平生

鄭州至新鄭一路多行深塹中

車小如舟入峽看匆匆輪底亦波瀾扣回風力千盤曲
束住天容一綫寬缺月昏黃相待久前程漆黑意行難
清時尙喜消爭戰不敢談兵詡據鞍

靈井鎮

屬許州

晚迂許西路暮宿投荒店老翁出迎客矍鑠鬚眉健呼
僮埽塵榻瓦燈照蒲薦爲我具羹飯翁時亦方膳二子

負耒歸繞膝諸孫舛飯罷各無事就我談纒縷自言過
六十足未越鄉縣家世習農業甚愧長貧賤輸君壯遊
客挾策金門獻得官卑亦佳庶用快心願翁言未終席
我已亂方寸陷身章句窟名場足憂患一第難登天萬
里馳驅倦豈無骨肉親經年艱一面以此應拂衣免貽
猿鶴怨惟因菽水謀驚馬猶羈棧比似翁家郎樂豈三
公換翁不自知樂樂乃令人羨一笑姑謝翁暗淚集於
霰

頴上

堯舜方在上下乃有巢由軒冕非不尊棄之如贅旒或
疑肥遁士經世非所優我意殊不然論古須措眸能致
聖人讓此亦禹契傳出處共扶世立志各有求儀庭盛
鸞鳳浪迹隨沙軀獨以高尙風爲君式九州後來知此
義大澤披羊裘富春一竿竹占斷江山秋繫余迫祿養
躁進良自羞何當脫塵壒浩蕩從之游驅車潁水上瀾
瀾臨清流顧見斜陽西邨翁方飲牛

邨塢多楓柏丹黃相新鮮風吹萬珊瑚墮地聲鏗然穠
華讓春豔自弄霜中妍羞彼輪囷材亦爭顏色憐詩心

鬪絢爛媚此斜陽天舊遊爲枵觸楓谷城西偏相從陳
太邱壺酒書一編劍川滿賢林多楓樹陳復菴丈每招往遊樹根坐終日覺
句都忘還忽忽落塵網清夢隨風煙驅車行當歸踐我
溪山緣

隆中謁武侯祠

高岡雲氣溼濛濛龍臥猶疑尙此中大好溪山名士宅
不輕出處帝臣風立談早定三分局異代猶尊一畝宮
祠宇西南瞻拜徧參天松柏共青蔥

瓦店題壁

溟池徑徙輪搏鵬霜天側睨愁飢鷹濃雲偃地欲釀雪
大風卷水將堅冰酒徒差可共燕市醉尉何須瞋灞陵
詩成狂草十丈壁秋蛇春蚓羞溪藤

南陽車中雜憶古人

雷雨昆陽怒卷沙金吾不作作官家風情莫道英雄淺
金屋先營貯麗華

支機片石聽攜還盤空紛紛盡可刪曾向崑崙山下過
黃河源只在人閒

少年杖策曉戎機玉貌雲臺畫亦稀如我逢君應齒冷

長安仍挾破書歸

襄陽懷古

伏龍雛鳳漫勞形爭及孤鴻入杳冥
便擬攜家同采藥
鹿門山色向人青

胡塵終見兩京收
薶骨歸來尙故邱
不廢高文江漢水
滔滔雙繞墓門流

微雲疏雨妙詞場
翰墨圖書壓一航
千古山川借生色
孟襄陽又米襄陽

自襄陽買舟赴漢口雜詩九首

斷梗逐飄萍，滌汨漢水濱。
白驅先笑我，黃鶴漫招人。
琴劍消豪氣，風霜逼小春。
飢驅歸未得，惆悵問前津。
石尤工作劇，百里幾遲留。
歧路防傷足，低篷任打頭。
因人愁緩急，涉世學沈浮。
怕見初昏月，鄉心挂舵樓。
鴉軋櫓聲停，維舟又淺汀。
驅沙新月冷，魚市晚風腥。
驟雨忽蕭颯，長天同杳冥。
孤鐙寒擁被，無那一宵聽。
棹歌侵曉發，晴旭射西巖。
激浪舂孤枕，長風飽一帆。
幽棲饒水石，空翠溼松杉。
結屋何時果，來攜白木鑱。
江瀨灣灣水，江邨樹樹霜。
疏鐘遲遠寺，孤雁背斜陽。
佳

句妙千古故人天一方素書煩尺鯉幾日寄餘杭

疏鐘一聯

爲楊杏泉文斷句曾在都中爲余述之

朝曦黯無色卷地倏風霾浪湧江豚喜沙寒渚雁哀空多挂帆客誰倚濟川材鎮日關蓬坐愁懷鬱不開

竟夕舟仍棹其如邁往難江流沿岸折雪意壓天寒客子心原苦篙師力易殫長空有征雁羨爾挾修翰

頗愛臨江宅平隄俯漲痕高樓爭面水密樹自圍邨飯喜新杭飽沽憐市酒渾谿翁相笑樂三五竹籬根

偶然風借力喜近漢陽城放溜隨流轉揚帆趁月明計

程經十日泊岸恰三更莫問明朝事江天浩蕩情

向湖邨舍詩初集卷三

向湖邨舍詩初集卷四

劍川 趙 藩 樾邨

丁丑下

雪後發桃源縣至姊妹山泊

檣竿不住飢烏嘯扁舟曉發桃源西
琉璃世界凍痕合一夜枯林花著齊
桃源回望無城郭萬瓦炊煙浮隱約
煙消忽見繚垣紅樓閣玲瓏高插空
輞川不作營邱喪誰寫奇觀入屏障

順風吹水水逆流峭帆直上無夷猶
浪花蹙破卅餘里

一灣澄碧平如油舟人指點問津處欲往從之心恐誤
江山幽勝原可廬避秦何必尋遺墟短篷低覆蓑衣白
不見漁竿垂釣客

日華解駁重陰破波心倒影峯峯大平生詩骨爭清癯
忍寒更就船頭坐晚炊縷縷孤煙微白魚入饌冬筍肥
嬋娟兩點銜杯外松翠參差工埽騰溼雲相逐歸遙岑
出岫入岫同無心

鄰舫烏烏笛三弄山陽淚溼寒衾夢同舟五子各存沒

宿草停雲猶腹痛

乙亥冬同木應侯段琴溪張定生楊少泉計偕北上過此今應侯客死三

君亦先
南旋 光陰彈指迹已陳搏沙捏雪空傷神愁絲自縛
枯蠶繭富貴幾人懷抱展一丸月上江天高何當飲酒
歌離騷

伏波祠

江風江雨颭靈旗石壁陰森古木垂百粵樓船開絕徼
五溪香火盛叢祠久拚馬革輿屍地曾見鴛飛墮水時
半畝空庭生蕙苳湘蘭沅芷共含悲

百尺危闌瞰水流蒼煙落日起清愁遭逢自古恩終替
慷慨何當志一酬銅柱威名千古大雲臺圖畫幾人留

故山款段多休暇我亦平生念少游

瀘溪縣

慘淡武溪路行人自古今灘聲羣聽廢石氣一天陰怪
鳥常嘯月驚麋偶出林倦遊重涉險撫劍獨長吟

辰溪縣

尚有丹砂采應移葛鮑鄰琴彈流水曲斧劈亂巖皴苦
竹雲抽筍枯松雪偃鱗異書如可借結屋就仙人

辰州道中

齒齒江心怪石攢峩峩江上暮山寒狂風激浪春篙眼

大雪攙雲補燒瘢險道兩年空往復孱軀七尺耐艱難
詩成一笑仍投篋怕遣漁樵舊侶看

十一月二十六日荔莊四十生日招飲舟次賦贈
六章

四十強仕日百里親民官出以經術裕政成當可觀我
昨過黔中郡邑多凋殘公行剖符竹願行心所安培養
士風茂愛惜民力殫廉明公自優陳義先責難

京華迎養艱孺慕縈天性滇黔幸兼圻去鄉千里近明
春迓板輿定省而溫清吹笙孝子詩封魚慈母訓上抒

愛日忱下廣慈雲蔭周書亦有言孝友施于政

十載宦樞部資格羈停年簿書得休暇一榻坐欲穿學
道屏眾好結習餘丹鉛絕迹權貴門不爭桃李妍乞外
迫祿養寸衷私自憐頗聞長官惜立品斯人賢

游藝追涪翁風骨獨適上誰與乞楹題厚幣來何儻名
紙拒勿通凜然叩以杖一角欽神羊由來觸夔魍平生
持此義俗流吹倔強偉哉佩公言直道不容枉

朝廷有殊恩德門多盛事嶽嶽文潔公清操孚美謚粲
粲徐卿雛嘯聲快初試樹德甯計功其理原必至公心

愈兢兢持盈益防墜竹林秉先型穀詒期繼志

昔賢穎川守循聲聞帝閭用致卿相顯兼以宜子孫治
譜待公續化理探根源敦勗重吾黨頌禱非所論沅江
風雪天持贈無芳蓀願歌循吏傳一侑介雅尊

沙灣

晚雨家家半掩扉茅龍幾日旋更衣牆腰石繡落花古
屋頂田堆菜甲肥驚犬衝人爭路出飢烏將子繞林飛
西谿小築還逾此孤負年年說息機

舟夜

秋雨愁已深冬雨寒更劇孤鐙照凍衾夜夜江頭客
夢裏得佳句夢覺旋已忘尋詩復尋夢煙水搖蒼茫
舟人盡熟眠挑鐙吾自起江風吹暗潮聲聲打船底
相思故園樹瘦石幽篁間梅花三度開詠花人未還

黔陽縣夜雪

凍雲如墨江不流漫天雪片飛銀虬黔陽城外暮沽酒
痛飲有客宵維舟田家樂事見三白明年二麥應有秋
昨來燕趙正荒旱十室不見炊煙浮天心仁愛悔禍急
遺黎或者安孤邛丈夫經世共饑溺尺寸未假徒呶嘍

司勳好色阮咸達京國招邀思俊游燕姬十五花見羞
錦屏促坐彈空侯天寒酒價新豐筍興來徑脫狐白裘
歡場背人淚暗滴美非吾土愁登樓夕葵負米當歸休
書生骨相甯封侯淮陰一飯感行路歲暮江湖多滯留
紅衣把釣伴漁婦短篷荻火吹蘋洲人生此樂不遽得
何況射虎南山頭酒瓶落手青鐙幽舊遊恍惚交雙眸
玉龍山下峭芒屨驢鞍斜插梅花稠荒雞喔喔乍驚鷗
珪衮倍怯寒威適詩成未寫研冰結東方欲白風飈颼

雪後同桂殿臣比部

梁材

王萃生同年

賓

飲酒並

懷荔莊文波

東海如酒杯一醉天下小人生若浮雲吹聚天風巧同
舟況復風雪朝尊前林壑森瓊瑤此時袖手但枯坐甯
免踈縮山靈嘲蟲吟啾啾溼薪竅先生自愛冬烘號折
足之鎗缺口壺醅醕灌頂春陽蘇輞川破戒一開口比
部三蕉懼濡首勸君莫負蒲桃紅狂生酒氣噓成虹君
不見蕭穎士黃涪翁一江先後猶難同何爲不賭千觴
空

過高梁洞灘

前年舟下高粱洞曉寒擁被方酣夢今來上水聞灘聲
榜人促我先陸行我行江干望江面大石橫江忽中斷
驚濤如雪石均走羅刹猱獮均左右一篙失勢一舟摧
巨艦連人吞入口叢林密箐嘒烏鴛波心蛟鱷流饒涎
畫餅之名削鍼利幾回到此真堪憐我舟搖搖逆湍上
進尺翻愁退以丈身雖平地憐篙師輕裝亦是長途資
敢云出險仗忠信矜全幸荷天公慈注目高坡猶失色
何況中流盪精魄昔人親在戒臨深我獨何爲輕一擲
行路之難無時無重登孤櫂翻踟躕役夫拱手共稱賀

爲言昨日三舟破

食冬筍

寒翠蕭蕭楚岸生
龍孫買得勝投瓊
何曾出土雷驚蟄
恰好攜鋤雪放晴
老子癡腸兼酒嗜
此君風味比詩清
二分結屋三分水
更欲來聽解籜聲

芷江縣喜晴

沙禽爭拍羽
朝旭射空江
鎮日客心喜
一天寒意降
斷冰流觸艇
纖月出窺窗
更愛西巖泊
潺潺聽石淙

龍溪口

積雪送寒來雪消寒未盡擁卷鑪煙中石鉞煎綠茗斜
陽復開霽隙光漏孤艇偶然推篷窗波心見山影
清江多淺流沙石澗可數游鱗若空行去來驚避櫓暝
色四山合漁歌出煙渚月明思美人沿流采芳杜

清溪縣

蘆花楓葉歲寒天水驛山城鎮接連薄日未消陰嶺雪
峭風猶蕩隔溪煙亂鴉爭樹聲相聒獨鶴臨江影自憐
搔首茫茫無限意欲將蓑笠伴漁船

奉懷荔莊

屠龍射虎百無成歲月消磨入苦吟欲學癯仙烹白石
誰將瘦島鑄黃金老松自負凌雲骨高竹能虛取友心
檢點平生知己淚酒痕一半浣衣襟

寓中無事雜撫無沅灘名爲小詩十二首

殘冬上水舟倦遊增悵快危灘惡作劇進寸退以丈

雷威響如雷跑馬疾如馬英雄箸猶失健兒轡空把

雷威

灘跑馬灘

盤盤落旋渦險絕嚙子洞酷吏慎勿來請君先入嚙

嚙子

灘洞

喧喧清浪灘奔湍四十里舟人寂無譁老鴉嘯不已浪清

急溜下屏風激箭一何速誰能立斯須抱得九仙骨屏風

湍溜

怪石如鷺鷥大小密復疏飢羣大江心伺舟如伺魚大

鷺鷥

篙師色死灰兩端持首鼠腥風吹一江白貓威假虎白

洞

幾時滿天星化石墮江水我乘貫月槎欲渡猶徙倚滿天

星灘

天荆兼地棘密密鉤衣破黃猴鳴更哀行人淚交墮

刺灘

黃猴灘

湍水千里流大王作雄長鎮壓三百灘雄風日來往

大王灘

下灘命在篙上灘命在牽篙摧命亦摧牽斷命亦斷
何地無風波君莫悲臨深可狎千丈濤請捫方寸心

夜雪

沙沙北窗竹細響雜幽灘不覺夜來雪先生高處寒客

愁鐙欲語世味酒初闌最憶西谿路梅花只夢看

乾溪晚眺

解裝無事倚柴關一日馳驅半晌閒野燒挾風飛過嶺
晚霞暈日倒銜山雞爭啄食棲仍下鳥愛凌空倦亦還
絕好邨翁扶杖處高田水落響潺湲

飛雲巖

白雲上天飛蓬蓬勢若萬壑爭朝宗罡風吹老青天色
上不能高墮不得不知是石還是雲但見芙蓉萬朵青
氤氲飄飄蠟屐欲仙去兩番招我雲中君我家彩雲間

流雲浩如海手扶綠玉筇看雲二十載奇觀洗眼得未
曾是何駘宕何峻嶒雲爲性情石風骨妙手游戲天公
能吁嗟乎天公生爾應爾惜瑰奇冒爲遐荒闢中原比
歲荒災成田頭布穀空催耕何當高飛萬里徑落泰山
頂一爲霖雨蘇蒼生

響琴峽

危磴梯空對孤橋束峽橫行人坐揮汗愛此石闌平
巖陰倒入溪寒綠不可唾白驅如雪明煙中浮一箇
橋下翁持竿橋頭兒曬網夕陽紅過谿謾謾松風響

萬籟忽然靜希聲如可尋我師無弼翁妙契空山心

向湖邨舍詩初集卷四

向湖邨舍詩初集卷五

劍川 趙 藩 樾邨

戊寅

留別荔莊

廬陵四十稱醉翁民之父母儒雅宗先生行年正翁若
百里作牧來黔中廬陵觀成公發軔志業要躡前賢蹤
我才樗散辱知厚亦如六一賢長公通家孔李話京國
南來天假舟輿從忘年折節訂車笠惜別執手傷萍蓬
椒盤餞歲日飲我刺梨酒熟花香濃酒酣起舞爲公壽

黻佩偕老兒孫聰壽公以此亦何有惟三不朽公所崇
願公便學歐陽子民和政簡年綏豐瑯琊當日勝林壑
黔山亦復多清雄以時休暇集賓友登臨詩酒鳴雍容
弓衣絕唱蔡家繡籠鵝妙墨磨巖攻黔安居士舊遊地
更與山谷恢門風我行再過公報最升堂拜母歡扶筇
濡毫更續醉翁操頌公爲我調絲桐

病鶴

病骨立亭亭憐渠更瘦生罡風曾鍛羽涼月獨聞聲亦
有稻梁累冑同雞鶩爭攜琴招且去無限白雲情

幽蘭

幽花媚幽谷流照待朝陽桃李自春豔煙霞空暗香誰
貽騷客佩已抱美人傷九畹能滋汝何心貢玉堂

犀牛潭觀瀑

我不知香爐水簾何氣象但聞銀河落天九千丈我亦
不知龍湫大小何恢奇夜或入夢曉輒疑扶桑濯足成
孤負泥塗日踏黔山醜興中拊掌忽叫絕難得奇觀落
吾手洶洶白浪排山來穿雲激石喧風雷石梁三疊束
不住橫空一瀉何雄哉快如練甲銜枚走輕若兜羅飄

縷縷月來宜月風宜風煙亦非煙雨非雨澄潭黝碧靈
犀潛坐擘珠璣雄水府我欲將身化白龍徑分一席開
龍宮不然對面結茅屋高臥飽看飢亦足浮生百歲婚
宦忙雖有此願奢難償袖中東海探已失懷古不見增
惋傷太白已仙子瞻死摩天巨筆誰平章忍令此奇沉
薶淹抑終窮荒不與匡廬雁宕千秋同頡頏

雪後行郎岱山中

昨宵一雪春風緊妨我歸心坐愁損今朝雪霽風亦停
布帽籠頭復衝冷黔山奇醜俄爭妍銀海蒼茫迷萬嶺

一鳥不飛人意閒幽泉細激聞根靜興夫昇我循澗行
石路崎嶇不敢逞俯臨絕壑見人家幾點炊煙茅屋頂
屋前屋後樹周遮幻作梨雲白千頃蠻楓歲暮不落葉
雲開紅出桃花影此中高臥應有人款戶無從愁路迴
將身著我畫圖中粉本誰摹心自領裁詩請學東坡翁
火急休教失清境郵亭小憩忘朝餐長鬚解事毫先整
綠雪一甌紅地鑪更喜濃煎故山茗

山行書所見

楊柳圍花花雜生梨紅杏白不分明綠天吹攪胭脂雪

絕豔何人畫得成

怪松陰裏見桃花
驟雨天邊有斷霞
解就眼前悟詩筆
也能奇鼻也風華

春柳

舊遊如夢復如煙
踠地情絲縷縷牽
騎馬偶行湖岸曲
聽鶯多在酒樓邊
但聞羌笛誰能遣
不染春衣也自憐
一種愁人芳草色
才名虛負十三年

過關索嶺

犖确愁芒屨
層層石路高
樵歌空谷底
流響入松濤

飛雨挾天風半山雲作蓋行人出樹杪夕陽在雲背
巖花不知名紅白爛成塢山鳥時一聲踏落花如雨
剝落殘碑字荒落溜雨痕嶺名自千古常說漢將軍

過安甯州有懷書石淙詩草後

連然山色鬱蒼蒼落日孤城草樹荒劫火可憐燒不得
一樓終古屬文襄

碑銘門下表升菴全史能將數語涵惟有石淙幽咽水
似憐居士老江南

詩筆雄渾逼浣花並時低首有西涯卽拋勛業論風雅

旗鼓中原亦大家

傳趙錢程接踵生靈鍾山水稱扶輪春江一夜浮萍長
莫以何郎粉浣人

小遊仙詩

書呂合店壁

秘笈瑯嬛萬卷儲紫泥宣詔許移居洞門寂寂松陰鎖
偏是仙人嬾讀書

新宮銘語玉樓文簪筆蓬山應制頻拜領賜錢三百萬
牀頭誰識捉刀人

山寺

鐘梵寂無聞
虛廊落葉紛
打包僧遠去
上座佛空尊
野鳥時窺鉢
山風自掩門
解鞍亭午熱
小坐澗塵根

四月二十一日到家

白雲猶認舊柴扉
閱盡關河匹馬歸
七尺男兒身手在
三年客子鬢毛非
虛名難博慈顏喜
失路翻添暗淚揮
笑看門前親種樹
桑陰成蓋柳成圍

癡腸不作公卿想
浪迹偶辭松竹林
自愛讀書行萬里
也曾賣賦散千金
故人存歿增新感
舊夢尋看入苦吟
旦夕加餐更相勸
百年珍重弟兄心

書示內子

下機勞苦意欣然得失渾忘惜汝賢襟被先教塵抖擻
鏡奩重對月團圓才名入世空消福天性多情解悟禪
冑似牛衣輕灑涕剪鐙仍伴舊青氊

立秋日書懷

倦遊心事愛林邱兄弟書鐙屋兩頭落綠上牆三日雨
葉黃墮地一聲秋無詩便覺孤幽事有酒差堪浣舊愁
暢好新涼蘇病骨生衣和月立簾鉤

閒詠四絕句

石井闌邊地一弓，手栽新竹已成叢。
濃陰不放斜陽到，也有秋花開退紅。

丹黃病葉半林疏，葉底團團結網蛛。
點筆戲呼嬌女看，開窗一幅草蟲圖。

柴門輕易不曾開，惟有黃昏月自來。
坐詠淮南招隱句，桂花如雪落莓苔。

木葉一天吹作雨，月華滿地看成霜。
鑪煙裊裊橫琴坐，領略花香間茗香。

懷荔莊

粗官位置豈宜君消息經年久不聞硬句鬱蟠韓吏部
罪言慷慨杜司勳大鵬終向溟南徙良馬曾空冀北羣
悵望黔山一搔首打窗霜葉落紛紛

得宋子材同年

廷樞

詩札奉柬

經年不見子材子一札貽來冰雪辭春意舊傳紅杏句
秋官今出白雲司難忘雙屐尋詩處多是孤鐙入夢時
抗手海心亭上坐待余杯酒話相思

寒蟬

斜陽在枯柳一抹起孤煙短笛聲先咽高枝蔭不圓何

當仙骨蛻尙愛好音傳繫馬郵亭晚因之一泣然

楚雄郡齋夜坐偶成寄小鷗波館

月明滿地霜華冷衙鼓無聲街櫺靜打門落葉風蕭蕭
插屋疏星天耿耿寒梅東閣暗吹香枯樹南窗倏移影
客居無計遣良宵故園頗憶同清景阿弟書齋共剪鐙
山妻紙閣方煎茗一星芋火撥銅鑪滿耳松風喧石鼎
看書有味更開函覺句未成還倚枕談深渾耐五更寒
夢回已隔千山迴白頭負歲寒盟紅燭常虛夜遊秉
宦味何爭目宿盤歸心已落蒹葭艇精廬學道結團蒲

漁舍忘機借笊簍題詩先寄小鷗波早晚湖山待偕隱

向湖邨舍詩初集卷五

朱泊欽

炳文

兩參軍李潤泉茂才

沛澤

城西三十里天際五千尋名勝全滇冠樓臺半壁陰遊
山靈運屐渡海伯牙琴把臂欣吾黨攀躋共入林

葉舟衝小雨葭菼亂蕭蕭斷港穿青草

湖名

孤邨指碧

嶢祠應邨酒薦客待楚詞招

碧嶢書院祀楊升菴

不敢尋遺蹟琳

宮路正遙

浮圖標隱隱昏黑斂諸天萬竹深藏寺一花香破禪宸

題大圓覺

華亭寺明嘉靖賜額曰大圓覺寺

清夢小遊仙明發誰誇健

峻嶒策杖先

杖底撥雲勞中峰太華高空門曾刳火下界日風濤
瘦殘僧圃松危獨鶴巢更摩羅漢壁捷足躡飛猱

闌楯墮層空探奇石窟通神仙居不易造化巧無功
修月誰揮斧捫天此挂弓瑯嬛書可讀吹袂怯罡風

日落眾峰冥壺觴小閣停月鋪千頃白雲洗一天青
持節人難喚凭闌酒易醒洞簫如可借吹與老龍聽

王子淵望

祭金馬碧雞文楊升菴書刻龍神祠中

橫海樓船渺當風殿閣涼雄心空漢武舊跡贖梁王

三清

閣爲元梁王避暑宮

浪打前朝去天畱我輩狂拈豪易惆悵清淺

幾滄桑

已放屠刀下何披品服來飛仙難免俗出世亦須才牛

飲留雙井鵬盤聳一臺九還爭鍊骨丹鼎莫輕開

趙道人事

見通志

逸興消難盡惓惓惜下山簡書人事促香火佛緣慳待
面枯曇壁應飛倦鳥還天風夾疏雨吹送出松關

停橈近華浦回望倚高樓雲水指雙眼林巒壓上頭空
桑三宿戀飛絮一春愁幸免山靈笑題詩紀勝遊

子材行期屢易時得泥飲湖樓賦柬一首

唱罷陽關不送行酒壚攜手更多情湖山爭忍孤雙屐
天地應愁別雨生醉裏小詩工跌宕狂來高論劇縱橫
映陸樓下波千頃快聽叢荷急雨聲

雨後湖望

幾日愁霖疏笠屐一湖濃翠擁樓臺入城山色雲遮斷
過水荷香風拗回衮衮年光爲客負茫茫襟抱向誰開
釣竿無數垂楊外太息凡鱗逐餌來

海心亭雨中觀荷小集同宋退山

廷模

子材叔儀

大葉高花四望中樓臺城郭雨迷濛喧喧亂點跳珠白

淦淦新妝對鏡紅身外昂藏孤劍在閒來歌笑幾人同
可能月俸千壺酒肯把頭銜替放翁

用蓮花博士
事見劍南集

苦雨

土壁陰陰長薜蘿檐聲連日鎮滂沱琴書屋裏頻移榻
泥淖門前已沒韉敗岸幾傳根拔樹高田也慮耳生禾
杜陵虛願千閒屨布被無眠獨放歌

喜晴

昆明城中雨彌月東南窪下田廬沒男繯女負踏波嘯
老稚扶攜上城堞城堞無棲雨不止此時眞羨高門裏

高門清譙羅綺嬌鎮嫌風雨妨笙簫

彩虹忽出射斜日東雨西晴儻可必虹渴還應下飲水
願吸東南水見底水乾雨止人返家高門不礙喧箏琶
湖樓新霽入窗啟我亦買酒看荷花

對酒雜感六首

讀書也說濟時艱對酒何當破旅顏狡爾機心開鐵路
譁然笑口臭銅山虛聲相士龍頭誤壯志封侯燕領閒
魑魅橫行清晝有空勞禹鼎鑄神姦

表海洋洋鼓大風互天隱隱貫長虹也知社鬼高明瞰

其柰錢神暮夜通此老誰憐真嫵媚阿家惟恐不癡聾
侯嬴毛遂尋常有可在平津吐握中

杯酒殷勤縞紵豐幾人耐久幾凶終雀羅門巷悲廷尉
蠶室文章哭史公徒有此盟車下笠原難索解駟憐蛩
絕交書亦嫌詞費埽軌何如賦谷風

墮地先知事已多尊前聊復舞傴僂黃金未信顏能駐
青史能無論偶苛鎮見雙丸跳日月憑誰一蕢障江河
鯉魚尺半猶堪釣莫倚南山白石歌

曉日天門八扇開蟠桃紅照紫霞杯登場傀儡徒工技

補履干將苦費才一飽羣爭雞鶩食九霄幾跨鳳凰來
陳東封事劉蕡策太息伊人竟草萊

千里驂騑百寶刀消磨意氣五陵豪搔頭生怕絲成雪
蕚骨猶貪土化陶秋水浮家漁艇大春風招客酒樓高
江天何地無明月一笑還應脫錦袍

湖樓晚酌柬潘蔭庭

祖恩

叔儀退山子材

偶然飲文字率爾謝冠裳明月古今豔荷花風露香廿
年窮不死一醉病能狂爲問高陽侶清遊若可忘

秋海棠

曾燒樺燭照紅妝更捉湘豪草綠章從古繁華空逝水
幾家庭院只斜陽神仙命好猶消福兒女情癡易斷腸
獨有詞人顛似昔閒來走馬碧雞坊

小驅波館書來荅此代柬

細剖紅鱗百遍看上言相憶下加餐病多先慮衝風雪
吟苦尤規鏤肺肝倚竹便娟雙袖薄篝鐙岑寂一氊寒
行人亦念居人苦拂拭蠻牋作荅難

讀書結客吾成癖置酒抽簪子亦迂亂後糟糠真慣矣
病來藥餌許餘無貧家作婦拋眉筆早歲殤兒泣掌珠

賴有同心差慰藉調羹能博老親娛

客有述晉災者聞之慘然作新樂府二章

觀音土

萬落千邨空雀鼠樹皮草根俱乏煮翳桑幸有觀音土
觀音慈悲憫爾飢食之一飽還西歸不食亦死食亦死
且緩須臾對妻子妻子號啕淚零雨頃刻彭亨腹如鼓
吁嗟乎觀音土

小兒哭

小兒哭淚簌簌白日慘昏風刮屋西家殺兒號聲哀東

家小兒觀之回回家娶媿告阿母吾家可須兒作俎屠
刀在頸兒心悸果欲殺兒俟兒睡

題陳蘭卿司馬鵬摹藏陳圓圓小像冊

縷金衫又水田衣幻影何須別是非對此茫茫興廢感
丹青休比貌崔徽

槐安一夢醒南柯老漚尊前喚奈何瞥眼冠裳紛變相
美人爭怪化身多

鄮闌城頭海月寒吳宮風卷百花殘色空空色卿參破
不信觀音解脫難

三桂妾別有八面觀音四面觀音者
後一歸賴將軍塔一歸蔡將軍毓榮

荒墳難覓草蕭蕭鏡裏青鸞若可招誰演梅邨新曲子
商山風雨唱歸樵

七夕憶內

織錦遙傷別垂簾靜養疴含情共明月分照隔秋河
鼻安貧慣蛛絲誤巧多廣寒亦孤影桂樹倚婆娑

讀史

隄柳千絲舞作煙鳳簫龍舫舊時憐昏黃一夜雷塘月
螢火星星照墓田

早秋旅思

小雨簾櫳秋意生斜陽忽放晚來晴離家偏屆雙蓮節
感物先驚一葉聲縱酒有時歌當哭著書焉用謗隨名
砌蛩幽咽林鳥韶又攪還鄉夢不成

歸計空言代及瓜荒園日涉憶金華雨牽紫豆籬根蔓
風颭紅蕉屋角花人海勞勞猶負米天河渺渺幾乘槎
推書悟徹蒙莊悵知也無涯生有涯

叔儀招食醉蟹卽席示座中諸君

陶鑿醪香醉隔年登盤磊落見流涎詩懷栗里花三徑
秋夢吳江月一船口腹眞爲公子累文章難得美人憐

持螯大嚼團團坐誰笑吾儕趣不仙

石渠叔移寓廖氏園呈此并質同人

買山難得草堂賢尚許園林借一枝載酒閒來吾亦愛
看花忙裏叔非癡湖光山色登樓處夜火晨鐘倚枕時
莫以滄桑易根觸行人猶喚習家池

四圍空翠撲簾旌坐久能令俗慮清花氣遠浮良夜靜
鳥聲喧逐晚天晴安心藥物惟供病漫興詩篇不暇名
恰喜南鄰書可借虛窗來共矮鐙檠

園居雜興

廖家園子楊家住尙有園名照舊呼不覺賃花因賃屋
偶然題句當題圖

好事吾家大阮賢時時風雨隔山川竹林裙屐從遊久
剛是昆明住半年

乍雨乍晴天不定自來自去客難辭藥煙影裏拈書卷
敲枕無聊臥病時

酩酊曾陪小宋歌尺書新寄自烏羅梧桐簾月蕉喧雨

柰此懷人意緒何

謂宋子材太守舊屢譙集於此
今君已北上適接自東川來書

水荷花落葉吹香自倚高樓納晚涼指點湖隄來往路

幾年我亦逐人忙

瘦羊博士君休笑鬪鴨先生故不癡
留取人閒泥爪迹塗牆抹壁且題詩

雨中遣興時將去昆明

落葉虛廊溼蘚侵喜無剝啄到園林
湖山如夢客將去風雨滿城秋又深
汲古誰提千尺綆治生都費百年心
泥人籬菊多情甚且買香醪對爾斟

秋柳

靈和殿裏舞依依廿四番風昨夢非
不覺腰支如我瘦

已憐眉樣入時違斜陽猶戀殘蟬語暮笛頻催病馬歸
珍重長條莫輕折扁舟留繫釣魚磯

閱邸抄書左節相新疆捷奏後

穹廬隱隱天如幕戰地荒荒草不芽
軒睡豈容侵臥榻提封依舊越流沙
通侯爵賞先諸將聖代車書本一家
多少蒼生翹首望斬鯨東海更浮查

石雲菴

一任雲來去荒菴常不扃松皮半身紫
石骨四時青古佛閒無語行人倦
亦停病餘持茗戒幽響愛銅瓶

晚次沙橋

邨樹依微落照邊
時從樹杪望炊煙
寒鴉歸去爭華表
斷雁飢來下野田
誤喜科名酬遠志
愁隨輿馬送流年
倦遊方信閒居好
雨滴糟牀被酒眠

抵家

哀樂無心感百端
出門惘惘入門歡
齏鹽也覺還家好
雨雪況經行路難
嚼蠟我真思爛熟
推枰人尙豔旁觀
何時采藥西山去
寫韻終須伴綵鸞

下關偶題

僥倖邊功亦可哀
啾啾陰雨哭龍堆
何人改竄將軍句

願乞風雷洗一回

鄧子龍惟有替山公道雪句
新碑易公道爲飛到大誤

雲南縣

一角孤城隱重環
曠野開白巖迂取徑
青海淺浮杯餌
細銀絲截瓜繁板屋堆
無能興水利繡壤半蒿萊

褚家營追弔武烈公

克昌

帝鑒忠忱 予易名豐碑特表褚家營
孤軍援絕鞞刀
恨落日風沈戰鼓聲
中夜驚看大星隕
斯人眞應彩雲
生九原可瞑疆臣目
不得銀河手洗兵

披肝文字贅言編軼事猶留父老傳身外三椽曾賣屋
囊中一箇不名錢似聞恤緯孤嫠泣難得鳴琴蔭子賢
幾日枌榆新廟祀爲公濡筆譜神弮公子興周官粵西
專祠雖奉恩命
尚未鳩工

名士龍頭誤華歆運籌帷幄幾留賓屬車未下黃巾拜
空壁俄翻白幟新齒冷今朝長樂老趾高當日不凡人
守祠我意煩危素來看春秋薦藻蘋趙州舉人尹建中
公命團練守險尹
陰從賊而
公未知也

風雪

風雪其如病骨棱江山猶挾興飛騰讀書射獵君何取
問舍求田爾則能腐史傷心傳游俠髯蘇無事近枯僧
黃昏一卷空庭掩炯炯精神喚欲膺

感懷

樓閣迢迢白玉京幾人循分到公卿知途老馬孤無匹
臨月寒蟲絮有聲兒女因緣聊復爾神仙魔劫可憐生
當年頗怪歐陽語識字何如一老兵

哭陳復菴丈

士禮

握手離筵酒尙醺歸途消息不堪聞百年人重深期我

一月來遲死負君未許鬚眉圖洛社可憐風雨唱秋墳
遺詩便當遺孤託雪淚靈牀屬誄文

布衣詩骨老崢嶸說孝談忠出性情全史填胸氣蟠鬱
百家游目徑分明五窮鬼戀孟東野萬戶侯輕李北平
慰汝蓋棺心事了明堂王會已銷兵

雜詩五首

迢迢郵傳迂淒淒冬日短重之風雨雪欲速嗟已緩書
生寒儉相儒官樂閒散衰親重別離亦復安我嬾明時
師友勗春衣汁須澣勉治稱貸裝偕計已無伴常恐夸

父杖虛擲鄧林幹平生游釣徒幾入蓬萊館
强臺上苦艱回顧途則坦翻思目宿闌一羶亦奇煥

昔歌從軍樂銜枚夜斫寨每騎生馬駒逐電騁雄快無
端忽病足右踵甚矣憊老親重憫我歲歲遠行邁促呼
筍將置急命驂騮賣從茲若新婦閉置青廬隘未免
氈毼乘軒嗤狡獪中原幾往復山河窮兩戒建樹安可
期馬瘠車亦敗懷哉劉豫州拊髀發深喟

錦輿昂然來輿臺亦軒舉前導擁旌麾後僮盛筐筥役
夫殊困瘁黧面衣襤褸陰雨道塗滑牽挽亂邪許輿中

襲襲坐何人大官府未知泉濁清但覺仕華廡我與時
相遇側避不敢伍郵亭偶休息私聽役夫語云天降甘
澤未得親農圃役夫爾勿言官則民之父服勞子職然
毋撓阿父怒

滇中氣常燠雜花冬已胎豔豔空谷中山茶閒寒梅梅
花瘦而潔避俗高人儕山茶若麗姝笑靨豐頤頤顧我
並含睇一暢羈旅懷頗憶驅波館鋤月新移栽花開主
行役冷落黃金杯達哉柴桑翁松菊吟歸來

拂席坐孤店寒月窺簷楹起翦一寸燭郵沽還獨傾胸

中萬古事五岳高崢嶸豈無塊壘愁澆之候已平夜靜
羣動息膈膊雞初鳴披衣下階立插屋森長庚不知古
志士起舞何爲情孤生抱微尙所急非公卿

唐簡齋茂才

廉

鑄向湖邨漁小印見貽

屈鐵山農筆前賢畏後生五湖漁父號一片石交情退
鷁飛難遠雕蟲世所輕燕然何處勒與爾其功名

出省日蔭芸齋

先

陳芝生

虞昌

硯臣退山治欽

儀枉送至雲安寺抵板橋作此卻寄

捏雪博沙未可知分襟南浦尙參差當壚獨賣邨姑酒

廢寺難尋太守詩

寺壁舊有宋芷灣太守題茶花詩

此道忽添今昔感

人生無盡別離時板橋冷月鄰牆火徹夜披衣有所思

聞荔莊刺史權定番州十日遽歸道山哭之以詩

忽聞仙吏主蓉城撥盡鑪煙睡不成遠道何從攜鏡具

新銜徒博寫銘旌稜稜志節完千古鬱鬱窮愁過半生

合眼幾多身後事阿連知否善經營

哲弟雙臣從宦在黔

人生何必定期頤其柰今非撒手時萬卷藏書一身債

八旬老母二齡兒將扶力薄吾真媿清白家貧世其知

奴子關心相怪問耶何忽忽坐如癡

兩載京華老兄弟一江黔楚共舟航
龐公妻子餐同饌蘇氏雨風眠對牀
勝我自知深刻畫與君相尙豈文章
前塵幻夢成追憶賸灑青衫淚萬行

楓林月黑萬山青夢裏依稀認影形
行役可知櫻瘴癘謁醫多恐誤參苓
中年哀樂真難寫隔世交親定有靈
惆悵五華山下約曉風鄰笛不堪聽

君曾約卜鄰翠海而今已矣

馬龍州

十年紛戰鬪不獨此州窮役擾疲民力
天慈予歲豐談兵非易事備險亦奇功
一角牙旗閃譙樓落照中

酒邊

落花自媚硯斑駁窗竹亂鳴風送迎出門忽見月在地
照字久將螢代燭廿年閱世佛平等萬口稱詩人過情
笑喚蠻奴收古劍酒邊妨有氣縱橫

輿中讀書

出門一月牛馬走骨肉遠離僮僕偶踽踽真愁阮嗣宗
栖栖甘誚微生畝昂藏七尺棲肩輿一身之外一卷書
細聲自學蟄蟲語厚繭緊縛冰蠶如連朝雪晴春盎盎
簾波日射書光蕩高談大睨諸老翁彷彿衣冠來揖讓

大千世界寸黍涵此閒不數維摩龕百年有志力未逮
一日乏書心苦貪尋行計里冒虛度目倦掩書眠易寤
舉簾一闕市聲喧又是郵亭解裝處明日登輿仍兀坐
路遇健兒應笑我那知十載雲南軍袴褶弓衣腰百箭
上馬下馬草軍書射落天狼吾亦頗猶記秋原縱獵時
耳後風生鼻頭火

得閨人詩札次韻卻寄

代郎理琴書侍親營菽水別離摧心肝獨旦思予美
纏綿一紙書細吐春蠶繭置之懷袖中風雪生奇燠

未聞嘲遠志詎肯寄當歸似惜丹山鳳無由比翼飛
古云人有心區別如其面嗟我同心人惺惺原一念
歲朝好風日春酒羅高堂遠心解自寬倚卿事尊章
喻言資一噓奇愚忘徙宅我嗤茂陵聘長卿應面赤
小園倚寒翠羅袖娟娟薄願留婪尾春課婢澆紅藥
君懷及第花我夢宜男草垂柳空依依惆悵章臺道

附原作

王藻湄

澹漪

郎愛劍湖魚妾愛劍湖水湖水煮湖魚羹調鄉味
美

縫郎合歡被裁以同功
繭妾意寄纏綿郎心知冷
煥

郎舟順江下妾舟滌江歸
江頭雙鴛鴦不肖渡江
飛

願郎多寄書書如見郎面
郎有高堂親賤妾何足
念

翩翩紅襟燕對語盧家堂
鳳凰不比翼安用矜文
章

扁舟過瀟湘儻泊湘妃宅
寄儂斑竹枝持較冰壺

赤

極知郎體孱敢嗟妾命薄莫貽嫩面光多買歐心藥

郎看長安花妾看劍湖草東風吹薜蘿相思縈遠道

入黔

今朝霽雨昨宵晴分野真區井鬼明扼險巖巒爭削立
凌寒草木竟孤生幾時星隕石無數忽地峯迴雞一鳴
婦子嬉嬉耕稼樂此中塵過十年兵

破悶

夢裏漁樵連袂笑眼中才俊絕塵馳長亭過客勞勞處
孤坐書空咄咄時中酒阻風一惆悵來牛去馬每參差
浮生進退關天意積悶還吟破悶詩

乍晴

獐奴辛苦共躋攀腰腳何能鬪爾頑揎袖難攜醒酒石
凭輿飽看割愁山乍晴便覺盎春意新沐誰誇留好顏
灑掃書堂學徒散媿他諸季侍親閑

詠懷

破甑生塵久自安偶霑微祿亦儒官千金散盡客何好
一字饑來煮大難海鳥育馴波浩蕩仙山虛倚夢高寒
蜚丸蟬露何清濁指點煩他冷眼看

拉幫坡

千峯萬峯插雲起一峯更壓雲端裏
牙人地尺誰細量姑妄言之三十里
筍將登降恃牽曳拉幫之名或緣此
盤旋磨蟻升天行半坡而上殊陰晴役夫肩背汗流涇
老子羊裘肌粟生人氣天風噓冷霧直上青天無上處
引手來攀打鐵關回頭猶見西林渡峯峯腳底奔如馬

顧盼誰爲據鞍者登高懷古心慨慷煥酒撩衣氣傾瀉
水西蠢動烏蒙亂此地當年幾爭戰丸泥誰見一夫當
枯骨曾纏千草蔓聖世中興陳羽干櫓槍迅埽瘡
痍完雷霆雨露德威濟龍戶狎家兒女歡豈惟斥堠幸
無事已覺行李俱蒙安邊防請輯輿地志樂府休歌行
路難

寒夜

酒酸書卷薄柰此夜凌兢瘦炭鑪無燄寒衾鐵有棱迴
風鳴破屋斷夢暈孤燈雪燼三千丈分明記倚藤

除夕行次安順

趨店輿夫疾吾行得未曾浮圖盤野鶻空壁下飢鷹邨
巷年光美國塵歲事登龐然鬪腰腹戶尉對門丞
空堂燒燭坐獨自念衰親暖閣圍鑪飲還應說遠人羈
留風雨雪贈苔影形神莫更巡簷立梅花刺眼新

向湖邨舍詩初集卷六